



BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
OPĆINA ČELIĆ
OPĆINSKI NAČELNIK

telefon: 035/668-650
e-mail: info@opcinacelic.ba

Alije Izetbegovića 60-2
75246 Čelić

Broj: 02-45-853/16
Čelić, 16.04.2026.godine

Na osnovu člana 39. Statuta Općine Čelić („Službeni glasnik Općine Čelić“, broj: 3/17) i i člana 4. Pravilnika o kriterijima, načinu i postupku raspoređivanja finansijskih sredstava za finansiranje/sufinansiranje projekata iz oblasti kulture, sporta, privrede, obilježavanja značajnih datuma Općine Čelić i drugih oblasti koje se finansiraju sredstvima iz Budžeta Općine Čelić broj: 02-11-805/26 od 13.04.2026.godine, Općinski načelnik raspisuje:

JAVNI POZIV

za podnošenje prijava za finansiranje/sufinansiranje projekata iz oblasti kulture, sporta, privrede, obilježavanja značajnih datuma Općine Čelić i drugih oblasti koje se finansiraju sredstvima iz Budžeta Općine Čelić

I – PRAVO UČEŠĆA

Sredstva iz Budžeta Općine Čelić dodjeljuju se za sljedeće kategorije projekata:

- projekte boračkih udruženja i organizacija;
- projekte omladinskih organizacija sa područja Općine Čelić;
- projekte i programe nevladinih organizacija iz oblasti kulture, umjetnosti, sporta, nauke, obrazovanja i očuvanja tradicije;
- projekte mjesnih zajednica za obilježavanje značajnih datuma,
- projekte i programe nevladinih organizacija iz oblasti zaštite životne sredine (okoliša), turizma i privrede;
- projekte i programe nevladinih organizacija iz oblasti socijalne politike (socijalne i zdravstvene zaštite i pomoći) uključujući i humanitarne organizacije;
- organizacija i uzimanje učešća na kulturno-umjetničkim i privredno-turističkim manifestacijama udruženjima čija je primarna oblast kultura i umjetnost i drugim pravnim licima;
- vanredne projekte koji nisu mogli biti predviđeni i planirani unaprijed,

Sredstva iz Budžeta Općine Čelić dodjeljuju se po ovom Javnom pozivu i fizičkim licima na ime podrške za objavljivanje knjiga.

II- KRITERIJI ZA DODJELU FINANSIJSKIH SREDSTAVA

Aplikanti moraju zadovoljiti sljedeće opće uslove:

- da su osnovani i registrovani u Bosni i Hercegovini;
- da su vođeni od strane državljana Bosne i Hercegovine,
- da imaju sjedište na području Općine Čelić,
- da su projekti i programi u potpunosti namijenjeni građanima Općine Čelić, osim ako Pravilnikom nije drugačije određeno,
- da posjeduju odgovarajuće materijalno tehničke i kadrovske pretpostavke, kao i iskustvo u realizaciji projekata iz oblasti za koju prijavljuju projekt,
- da se projekti i programi realizuju za period budžetske godine (od 01.01. do 31.12.),
- da ne obavljaju aktivnosti u ime političkih partija,
- da su opravdali sredstva po ranije dodjeljenim projektima, ukoliko su im bila odobrena.

Aplikanti fizička lica za podršku u objavljivanju knjiga moraju zadovoljiti sljedeće opće uslove:

- da imaju mjesto prebivališta na području Bosne i Hercegovine;
- da projekat (knjiga) obrađuje tematiku bilo koje vrste vezanu za širi prostor Općine Čelić ili prostor Bosne i Hercegovine;
- Da projekat (knjiga) obrađuje tematiku koja je od interesa za stanovništvo Općine Čelić ili događaje kojima se rasčlanjuju i pojašnjavaju činjenice i događaji iz prošlosti.

Izuzetno finansijska sredstva mogu se dodijeliti po ovom Javnom pozivu za projekte udruženja građana registrovanih na području Bosne i Hercegovine koji nemaju sjedište na području Općine Čelić, pod uslovom da se radi o projektima koji su značajni za očuvanje kulturne baštine, njegovanja kulture sjećanja, projekte koji se odnose na najosjetljivije kategorije društva, o čemu će odlučiti imenovana Komisija.

II – DOKUMENTACIJA KOJOM SE DOKAZUJU OPĆI USLOVI IZ TAČKE II OVOG JAVNOG POZIVA

Aplikanti iz tačke II (pravna lica) koji se prijavljuju na javni poziv, pored popunjenog aplikacijskog obrasca, koji je sastavni dio ovog poziva, dužni su dostaviti sljedeću dokumentaciju:

- Posljednje važeće Rješenje o registraciji udruženja/fondacije ili Izvod iz Registra ne stariji od 6 mjeseci;
- Uvjerenje o poreznoj registraciji - ID broj;
- Dokaz da je aplikant obezbijedio dio sredstava iz drugih izvora za program ili projekat koji se sufinansira ili izjava ovlaštenog lica da aplikant nije dobio sredstva od drugog donatora za dio projekta ili programa koji se kandiduje za finansiranje

Aplikanti iz tačke II (fizička lica) koji se prijavljuju na javni poziv, pored popunjenog aplikacijskog obrasca koji mora biti potpisan i ovjeren od strane aplikanta, dužni su dostaviti sljedeću dokumentaciju:

- Potvrda/uvjerenje o prebivalištu aplikanta (koja nije starija od 60 dana, original),
- Dio rukopisa knjige,
- Podatak o broju objavljenih naslova u posljednje tri godine,

Aplikanti koji su za projekat ili program dobili sredstva u ukupnom iznosu vrijednosti projekta od drugog donatora ne mogu učestvovati u raspodjeli sredstava iz Budžeta Općine Čelić o čemu su dužni prilikom apliciranja na javni poziv priložiti izjavu.

Neće se finansirati projekti aplikantata koji nisu izvršili svoje obaveze po ranije odobrenim projektima finansiranim iz Budžeta Općine Čelić

III – NAČIN, ROK PODNOŠENJA PRIJAVA I OSTALE BITNE INFORMACIJE ZA JAVNI POZIV

Ovaj Javni poziv se objavljuje na Oglasnoj ploči i web stranici Općine Čelić.
Rok za podnošenje prijave je 31.12.2026.godine.

Jedan aplikant može aplicirati sa maksimalno tri projekta u toku jedne budžetske godine.

Aplikantu se u toku jedne budžetske godine mogu odobriti sredstva za dva projekta, ukoliko to dozvoljavaju raspoloživa budžetska sredstva.

Vrijednost svakog pojedinačnog projekta ne može biti veća od 3.000,00 KM niti manja od 200,00 KM.

uzetno, može se dodijeliti iznos veći od 3.000,00 KM, ali ne veći od 5.000,00 KM, ukoliko Komisija za odabir korisnika sredstava ocijeni da je svrha projekta, od naročitog značaja ili interesa za područje i stanovnike općine Čelić.


Ako aplikant aplicira na oblast ili grant koji je van područja njenog djelovanja, Komisija će odbaciti prijavu.

U slučaju nedostatka sredstava u Budžetu Općine Čelić za tekuću godinu na budžetskim stavkama predviđenim za finansiranje projekata na koje se odnosi javni poziv, obustaviti će se realizacija dodjele finansijskih sredstava u potpunosti ili djelimično, srazmjerno nedostajućim sredstvima i okončat će se Javni poziv.

Korisnici sredstava su dužni, u roku od 30 dana od dana završetka realizacije projekta, opravdati dodijeljena sredstva, a u suprotnom su dužni izvršiti povrat istih.

Prijava sa neophodnom dokumentacijom se podnosi na propisanom obrascu koji se može preuzeti u šalter sali Općine Čelić i/ili na web-stranici Općine, na protokol Općine ili putem pošte na adresu:

Općina Čelić
Alije Izetbegovića 60/2, 75246 Čelić
sa naznakom: Javni poziv
za podnošenje prijave za finansiranje/sufinansiranje projekata iz oblasti kulture,
sporta, privrede, obilježavanja značajnih datuma Općine Čelić i drugih oblasti koje se
finansiraju sredstvima iz Budžeta Općine Čelić



OPĆINSKI NAČELNIK

[Handwritten signature]
Admir Hrustanović, dipl.oec